



ჩერკასისა და კანევის მიტროპოლიტი თეოდოსი: უკრაინის მართლმადიდებელი ეკლესიის მორწმუნეთა მდგომარეობის შესახებ სულ უფრო მეტი ნამდვილი ინფორმაცია აღწევს დასავლურ საზოგადოებაში



სსკგ-ის კომუნიკაციის სამსახური, 01.02.2024. 2024 წლის 29 იანვარს უფლებადამცველმა ორგანიზაციამ „Public Advocacy“, რომელიც ადამიანის უფლებათა საერთაშორისო ასოციაციის – „ეკლესია ესენოფობიისა და რელიგიური დისკრიმინაციის წინააღმდეგ“ წევრია, გამოაქვეყნა რამდენიმე საერთაშორისო დოკუმენტი, რომლებიც მონიშნავენ, რომ საერთაშორისო დონეზე დაწყებულია გამოძიება უკრაინის მართლმადიდებელი ეკლესიის მორწმუნეთა უფლებების დარღვევის ფაქტებზე.

კერძოდ, გამოქვეყნდა ერთობლივი მოთხოვნა - კომუნიკაცია უკრაინის მართლმადიდებელი ეკლესიის

მორწმუნეთა უფლებების დარღვევის შესახებ გაეროს სპეციალური მომხსენებლისგან რელიგიისა და შეხედულებათა თავისუფლების საკითხებში, გაეროს სპეციალური მომხსენებლისგან უმცირესობათა უფლებების დაცვის საკითხებში და გაეროს სპეციალური მომხსენებლისგან მშვიდობიანი შეკრებისა და გაერთიანების უფლების შესახებ. ასევე ცნობილი გახდა ამ მოთხოვნაზე გაეროში უკრაინის მუდმივი მისიისა და სხვა საერთაშორისო ორგანიზაციების **ოფიციალური პასუხის** შინაარსი.

მთელი რიგი მტკიცებულებებისა და ფაქტების განხილვის შემდეგ, ერთობლივი მოთხოვნის ავტორებმა აღნიშნეს ფაქტები, რომლებმაც მათი შემფოთება გამოიწვია. მათ შორისაა – არაერთი იერარქის სისხლისსამართლებრივი დევნა, მათ შორის, უკვე გამოტანილი განაჩენი ტულჩინისა და ბრაცლავის მიტროპოლიტი იონათანის მიმართ, პერსონალური სანქციები მღვდელთმთავრების წინააღმდეგ, უკრაინის მართლმადიდებელი ეკლესიის მიერ კიევ-პეჩერის ლავრის ნაგებობების მონასტრად უფასოდ გამოყენებაზე ხელშეკრულების შეწყვეტა, ჩხრეკის ჩატარება რამდენიმე მონასტერში, საგანმანათლებლო დაწესებულებებში და უმე-ის სხვა შენობებში კიევში, როვოს, ჟიტომირის, ივანო-ფრანკოვსკის, ჩერნოვიცის, დნეპროპეტროვსკის, ხმელნიცკის, ჩერკასის, ვოლინის, ხერსონის, ტერნოპილის, პოლტავისა და ზაკარპატიის ოლქებში, უკრაინის მართლმადიდებელი ეკლესიის წევრების მიმართ სიძულვილის გაღვივებისა და ძალადობის მოწოდებების შემთხვევების შესამჩნევი ზრდა, ასევე, რამდენიმე საქალაქო და საოლქო საბჭომ ადგილებზე აკრძალა „უმე-ის საქმიანობა“.

საკომუნიკაციო განცხადების დასკვნით ნაწილში გაეროს სპეციალურმა მომხსენებლებმა განაცხადეს: „...გვსურს, გამოვხატოთ ჩვენი შემფოთება უკრაინის მართლმადიდებელი ეკლესიისა და მისი წევრების დევნის სავარაუდო სქემის გამო, რომელიც, როგორც ჩანს, უკავშირდება მათი უფლებების კანონიერ და მშვიდობიან განხორციელებას რელიგიისა და შეხედულებების თავისუფლების საკითხებში, აზრის გამოხატვის თავისუფლებას და გაერთიანების თავისუფლებას; ყოველივე ეს ასახულია სამოქალაქო და პოლიტიკური უფლებების საერთაშორისო პაქტის მე-18, მე-19 და 22-ე მუხლებში, რომელიც რატიფიცირებულია უკრაინის სახელმწიფოს მიერ 1973 წელს. კერძოდ, ჩვენ შემფოთებულნი ვართ დაშინების ამ მოდელით, რასაც მოწმობს ზემოაღნიშნული ბრალდებები, რომლებიც მიმართულია უმე-ის სამონაზვნო თემისა და მორწმუნეების წინააღმდეგ მათი რელიგიური კუთვნილების შეცვლის მიზნით. ეს ეწინააღმდეგება სამოქალაქო და პოლიტიკური უფლებების საერთაშორისო პაქტის მე-18 მუხლით გათვალისწინებული იძულების აკრძალვას. ჩვენ ასევე შემფოთებულნი ვართ იმ საპასუხო რეაქციით (ძალადობის მოწოდებებთან და მთლიანად უმე-ზე დაწესებულ ადმინისტრაციულ სანქციებთან დაკავშირებით), რომელიც შეიძლება შეექმნას უმე-ის მორწმუნეებს, რაც ფაქტობრივად ზღუდავს მათ უფლებას, იალმსარებლონ საკუთარი რელიგია.“

როგორც უფლებადამცველი ორგანიზაცია „Public Advocacy“ აღნიშნავს, გაეროს სპეციალური მომხსენებლების საკომუნიკაციო განცხადების ტექსტი ადასტურებს საერთაშორისო დონეზე უკრაინის მართლმადიდებელი ეკლესიის უფლებების დარღვევის აღიარებას ამ კონფესიის მიმართ დისკრიმინაციის სისტემური პოლიტიკის განხორციელების პროცესში და მისი იერარქიისა და მორწმუნეების უფლებების შეზღუდვას.

ამ დოკუმენტების გამოქვეყნებასთან დაკავშირებით **კომენტარით** გამოვიდა ჩერკასისა და კანევის მიტროპოლიტი თეოდოსი – უკრაინის მართლმადიდებელი ეკლესიის იერარქი, უფლებადამცველი, ადამიანის უფლებათა საერთაშორისო ასოციაციის „ეკლესია ქსენოფობიისა და რელიგიური დისკრიმინაციის წინააღმდეგ“ შექმნის ინიციატორი და თანადადამფუძნებელი. მისი აზრით, „პირველად,

ბოლო რამდენიმე წლის განმავლობაში, საერთაშორისო ოფიციალურმა პირებმა, რომლებსაც გაეროს თანამდებობრივი პირების დიპლომატიური სტატუსი აქვთ და უფლებამოსილები არიან, განიხილონ ინდივიდუალური საჩივრები მორწმუნეთა უფლებების დარღვევის შესახებ, უკრაინის მთავრობას კონკრეტული კითხვები დაუსვეს მორწმუნეთა უფლებების დარღვევების ფაქტებთან დაკავშირებით და გამოხატეს არა მხოლოდ სერიოზული შეშფოთება ასეთი დარღვევების გამო, არამედ ასევე შეაფასეს ქვეყნის ამჟამინდელი ხელმძღვანელობის ქმედებები, როგორც საერთაშორისო კანონმდებლობის ნორმებთან შეუსაბამო. თუკი ჩვენ ადრე ვხედავდით მხოლოდ რამდენიმე კომენტარს ან შენიშვნას უმე-ის მორწმუნეთა უფლებების დარღვევის შესახებ გაეროს ადამიანის უფლებათა უმაღლესი კომისიის სამმართველოს მოხსენებებში, ახლა უკვე არსებობს დოკუმენტი, რომელიც შეიცავს საერთაშორისო ორგანიზაციებში უმე-ის თემატიკის საკმაოდ სიღრმისეული კვლევის მტკიცებულებებს“.

ამავდროულად, – აღნიშნავს მწყემსთმთავარი, – სახელმწიფო ორგანოების წარმომადგენლების მხრიდან, რომლებმაც მოამზადეს პასუხი ამ მოთხოვნაზე (პასუხის ტექსტში ნათქვამია, რომ იგი მომზადდა ერთდროულად სამი სამინისტროს და, ასევე, უუს-ს მიერ), „იგნორირებულია საერთაშორისო მანდატარიების რიგი საკითხები, ხოლო ზოგიერთ პუნქტთან დაკავშირებით წარმოადგინეს, ჩვენი აზრით, მცდარი ინფორმაცია“. კერძოდ, დიპლომატებს და შესაბამის სამინისტროებს, რომლებმაც გაეროს მოთხოვნაზე პასუხი შეადგინეს, საერთოდ არ გაუკეთებიათ კომენტარი ან განმარტება უკრაინის მართლმადიდებელი ეკლესიის იერარქების სისხლისსამართლებრივ დევნასთან დაკავშირებით. მიუხედავად იმისა, რომ გაეროს სპეციალურმა მომხსენებლებმა ახსნა-განმარტება ითხოვეს უკვე გასამართლებული ტულჩინისა და ბრაცლავის მიტროპოლიტი იონათანის მიმართ გამოტანილ განაჩენთან დაკავშირებით. მათ ასევე გამოთქვეს სურვილი, ახსნა-განმარტება მიეღოთ მეუ-ის იერარქების წინააღმდეგ აღძრული სხვა სისხლის სამართლის საქმეების შესახებ და მათ მიმართ სანქციების გამოყენების თაობაზე. გარდა ამისა, საერთაშორისო მოთხოვნა ეხებოდა ადგილობრივი თვითმმართველობის გადანყვეტილებებს ეკლესიის მინის ნაკვეთების ექსპროპრიაციასთან დაკავშირებით და სხვა დისკრიმინაციულ ქმედებებს. „თუმცა, ასეთი ინფორმაცია უკრაინის ოფიციალურ პირებს საერთოდ არ მოუწოდებიათ და ამ ნაწილში საერთაშორისო მოთხოვნა მთლიანად უგულვებელყოფილ იქნა ჩვენი ხელისუფლების მხრიდან“, – განაცხადა ჩერკასისა და კანევის მიტროპოლიტმა თეოდოსიმ.

„უნდა აღინიშნოს, რომ უკრაინის მართლმადიდებელი ეკლესიის წევრთა უფლებების დარღვევის ფაქტები სულ უფრო ფართოდ განიხილება უცხოურ მედიაში, რის შედეგადაც სულ უფრო მეტი ნამდვილი ინფორმაცია აღწევს მორწმუნეთა მდგომარეობის შესახებ დასავლურ საზოგადოებაში“, – აღნიშნა იერარქმა. – ასე, ცოტა ხნის წინ, ჩვენი უფლებადამცველი ასოციაციის – „ეკლესია ქსენოფობიისა და დისკრიმინაციის წინააღმდეგ“ – წევრებმა ჟენევის პრეს-კლუბში გაავრცელეს პრეს-რელიზი უკრაინაში უმე-ის წევრთა უფლებების დარღვევის შესახებ. ყველა ეს მოვლენა, განსაკუთრებით კი მართლმადიდებელი მორწმუნეების შეუჩერებელი აქტივობა თავისი ეკლესიისა და სარწმუნოების დასაცავად, სულ უფრო მზარდ საერთაშორისო ყურადღებას იწვევს უმე-ის წევრთა უფლებების დარღვევის შემთხვევებისადმი, რაც, თავის მხრივ, საერთაშორისო გაერთიანების სულ უფრო მწვავე რეაქციას გამოიწვევს უმე-ის უფლებების დარღვევების ფაქტებზე“.

უკრაინის ხელისუფლებას მან მოუწოდა, დაფიქრდეს უკრაინის მართლმადიდებელი ეკლესიის მიმართ დისკრიმინაციული პოლიტიკის გრძელვადიან ეფექტზე: „და თუ ჩვენი სახელმწიფო პოლიტიკოსები შემდგომშიც გაავრცელებენ სიძულვილის ამდენი ადვილად დასამტკიცებელი ფაქტის გენერირებას უმე-ის მორწმუნეების მიმართ (ფაქტიურად კი საკუთარი ხალხის მიმართ), მაშინ ეს საფრთხით საკმარისი იქნება იმისათვის, რომ შედგეს მთელი რიგი საერთაშორისო პროცესები უკვე უკრაინელი უფლებადამრღვევი ჩინოვნიკების წინააღმდეგ. ჩემი ინფორმაციით, ამ საკითხების განხილვა უკვე დაწყებულია და თუ

უკრაინაში უმე-ის წევრების დევნა გაგრძელდება, ამას უახლოეს მომავალში საერთაშორისო დონეზე მართლმადიდებლობის დამცველი პირებისა და საზღვარგარეთის სტრუქტურების მხრიდან მასშტაბური საპასუხო რეაქცია მოჰყვება“.

მისი აზრით, მინიმალურ აუცილებელ ნაბიჯებს შორის, რომლებიც სასწრაფოდ უნდა გადაიდგას უკრაინის სახელმწიფო ხელისუფლების მხრიდან, არის უკრაინის მართლმადიდებელ ეკლესიასთან მიმართებით დისკრიმინაციული პოლიტიკის შეწყვეტა; იერარქებისა და მღვდლების წინააღმდეგ ხელოვნურად შეთხზული სისხლის სამართლის საქმეების დახურვა და შეთითხნილი ბრალდებების საფუძველზე მათთვის დანესებული პირადი სანქციების მოხსნა; გარეშე პირების შეკრების ყალბი ოქმების მიხედვით სახელმწიფო რეგისტრაციის მიერ უკრაინის მართლმადიდებელი ეკლესიის რელიგიური თემების მეუ-ის სამრევლოებად მასობრივი უკანონო გადარეგისტრირების შეჩერება; დაუყოვნებელი რეაგირება უკრაინის მართლმადიდებელი ეკლესიის წევრების მიმართ ძალადობის ნებისმიერ გამოვლინებაზე; აგრეთვე მათთან მიმართებით რელიგიური ნიშნით დისკრიმინაციის საჯარო მონოდეტებზე; უკრაინის მართლმადიდებელი ეკლესიისთვის ისტორიული კულტობრივი ნაგებობებისა და არქიტექტურული ძეგლების ჩამორთმევაში სახელმწიფო ორგანოების მონაწილეობის შეწყვეტა.

„ყველაფერი, რაც ითქვა, რომ შევაჯამოთ, ძალიან მსურს, ჩვენი სახელმწიფო მოღვაწეების გონებასა და გულეში სიფხიზლის ნარჩენების იმედი მქონდეს. მინდა დავიჯერო, რომ თუნდაც ზოგიერთი მათგანი ჯერ კიდევ ინარჩუნებს უნარს, თავის ქმედებებში იხელმძღვანელოს არა ამწუთიერი პოლიტიკური სარგებლით და დესტრუქციული ემოციებით, არამედ თავისუფლებისა და ადამიანის უფლებების ხელშეუხებლობის პრინციპებით და სტრატეგიული სახელმწიფოებრივი აზროვნების იდეებით ჩვენი საზოგადოების სასარგებლოდ. გაჩერდით და მოუსმინეთ თქვენი ხალხის ისტორიული ეკლესიის ხმას – ჩვენი ხალხის სინდისის ხმას. სანამ საბოლოოდ გვიანი არ გახდა“, – მოუწოდა ჩერკასისა და კანევის მიტროპოლიტმა თეოდოსიმ.

წყარო: <https://mospat.ru/ge/news/91325/>